

Ilinniakkap naammassereernerata kingorna nuna najugaq 2023

Ilinniakkamik naammassisaqartartut amerliartortillugit, nunamut allamut ilinniariarlutik aallartartut aamma amerliartorput. Pingaartumik ingerlariaqqiffiusumik ilinniarkinna ilinniartut aallartarput, nunatsinni ilinniakkat amerlasuut ingerlanneqarsinnaanngimmata. 2003-miit nunami allami ingerlariaqqiffiusumik ilinniakkamik aallartitsisartut 2023-mi amerlassusaat 18 pct.-imik qaffariarsimavoq.


2023-mi ingerlariaqqiffiusumik ilinniakkamik ingerlatsisut tamakkerlutik 28 pct.-ii nunami allami ilinniartuupput. Ilinniakkap naammassereernerata kingorna ilinniartut ilaat angerlartarput, ilaalli nunani allaniiginnartarput.

Nunani allani ilinniartut

Piffissami 2003-miit 2023-mut inuussutissarsiornermi ilinniakkamik naammassisaqartartut kingorna ukioq siulleq ilinniartut agguaqatigiissillugu 63 pct.-ii suli nunani allani najugaqarput. Taakkunannga 21 pct.-it ingerlariaqqillutik ilinniartuupput. Amerlanertigut ilinniartut bacheloritut naammassereernerup kingorna kandidatinnngorniarlutik ilinniaqqittarput. Titartagaq 1.-imittaaq takuneqarsinnaavoq ilinniakkamik naammassinnereernerup kingorna ukiuni siullerni marlunni ingerlariaqqiffiusumik ilinniakkanik ingerlatsisut amerlanerusut. Ingerlariaqqiffiusumik ilinniakkanik ingerlatsisut annertussusaata appariartornerani nunatsinnut utertartut annertussusaat qaffakkiartorpoq.

Titartagaq 1. Ukiut 1-10 nunami allami ilinniakkap naammassinerata kingorna

Kalaallit Nunaat — Nunami allami – Katillugit — Nunami allami – ilinniakkamik ingerlatitseqqinneq



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)


Nunami allami ilinniakkamik naammassisaqareernerup kingorna ukiumi siullermi ilinniartut 37 pct.-ii Kalaallit Nunaanni najugaqarput. Kalaallit Nunaannut utertartut najugaqalersartullu annertussusaat ukiuni tulliini qaffakkiartortarput. Ilinniakkamillu naammassisaqareernerup kingorna Ukiut arfineq-pingasut qaangiunnerini amerlanerpaallutik. Tassani nunami allami ilinniakkamik naammassisaqareernerup kingorna ilinniartut agguaqatigiissillugu 56 pct.-ii Kalaallit Nunaanni najugaqarput.

Kalaallit Nunaannut utertartut annertussusaat taamaaginnarpoq

Piffissaq sivisooq najoqqutaralugu sanilliussinermi, ukiut tamaasa nunami allami ilinniakkamik naammassisaqartartut amerlannginnerat eqqumaffigineqartariaqarpoq. Nalunaarsuutit ukiuni ataasiakkaani nikerarnernut qajannaannerulersinniarlugit ukiut pingasukkaarlugit agguaqatigiissitsinerit atornerqarput.

Ukiut kingulliit ingerlanerini nunami allami ilinniakkamik naammassisaqareernerup kingorna Kalaallit Nunaanni najugaqalersartut annertussusaat annertuumik allannguuteqarsimanngilaq. Ilinniakkap naammassereernerata kingorna ukiut siulliit 1-2 ingerlanerini annikitsunik assigiinngissuteqartoqarpoq. Ukiulli pingajussaanniit naligiileqqittarput. Taamaattumik nunanut allanut ilinniariartut nuuttartut amerlaneruleraluartut, Kalaallit Nunaannut utertartut annertussusaannut tamanna sunniuteqanngilaq.

Titartagaq 2. Nunami allami ilinniakkap naammassereerneranit Kalaallit Nunaanni najugallit annertussusaat; 2007-imiit 2018-imut ukiut pingasukkaarlugit naatsorsukkat




Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Kalaallit Nunaanni ilinniartut

Ilinniartut Kalaallit Nunaanni inuussutissarsiornermi imaluunniit ingerlariaqqiffiusumik ilinniarnermik naammassinnissimasut nunami allami ilinniakkamik naammassinnissimasuniit amerlanertigut Kalaallit Nunaanniiginnartarput. Ukiullu qulit qaangiunnerini agguaqatigiissillugu 89 pct.-ii suli tamaani najugaqarput. Ilinniareernerulli kingorna nunatsinniiginnartartut annertussusaat ukiuni tamani appariartorpoq.

Titartagaq 3. Kalaallit Nunaanni ilinniakkap naammassereerneranit ukiut 1-10 qaangiunnerini Kalaallit Nunaanni najugallit annertussusaat, 2003-2023



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.

Najoqutaq: Naatsorsueqqissaartarfik - Kisitsisaataasivimmi kisitsisit takukkit (<https://bank.stat.gl/UDNBD1>)

Eqikkaaneq

Tabeli 1. Ilinniartut nunami allami ilinniakkamik naammassisaqarsimasut amerlassusaat, 2013-2023

	2013	2014	2015	2016	2017	2018	2019	2020	2021	2022	2023
Inuusutissarsiornermik ilinniarneq	23	18	21	21	24	32	21	31	19	14	15
Ingerlaqqiffiusumik ilinniarneq	85	79	74	90	116	109	96	90	83	72	72
Katillugit	108	97	95	111	140	141	117	121	102	86	87

Tabeli 2. Ilinniartut nunami allami ilinniakkamik naammassisaqareernerup kingorna ukiut 1-10 qaangiunnerini Kalaallit Nunaanni najugallit amerlassusaat, 2013-2023

	2013	2014	2015	2016	2017	2018	2019	2020	2021	2022	2023
Ukioq siulleq	44	41	30	46	46	54	37	52	35	31	32
Ukiut marluk	51	40	39	53	56	59	47	56	42	33	0
Ukiut pingasut	50	48	42	56	59	66	57	63	48	0	0
Ukiut sisamat	57	51	50	65	67	69	61	66	0	0	0
Ukiut tallimat	57	52	47	68	74	74	62	0	0	0	0
Ukiut arfinillit	56	50	50	69	71	74	0	0	0	0	0
Ukiut arfineq-marluk	57	52	53	65	75	0	0	0	0	0	0
Ukiut arfineq-pingasut	60	53	54	67	0	0	0	0	0	0	0
Ukiut qulingiluat	64	52	52	0	0	0	0	0	0	0	0
Ukiut qulit	58	52	0	0	0	0	0	0	0	0	0

Periaaseq

Siunertaq

Nunatsinni ingerlariaqqiffiusumik ilinniakkat amerlanngillat, taamaattumillu ilinniariartorpassuit nunanut allanut aallartarput. 'Ilinniakkap naammassereernerata kingorna nuna najugaq' saqqummersinneqarnerani siunertaavoq ilinniartut nunami allami ilinniakkamik naammassisaqareernerup kingorna Kalaallit Nunaannut utertartut annertussusaasa ineriartorneranut malinnaanissaq. Kisitsisitigullu paasissutissat nunatsinni inuussutissarsiornermi imaluunniit ingerlariaqqiffiusumik ilinniakkamik naammassisaqarsimasunik ilaneqarput.

Nalunaarsuutit tunngaviusut

Ilinniakkanut ingerlanneqartunut ilinniakkanillu ingerlatsisunut kisitsisitigut nalunaarsuisarfinit nalunaarsuutit atorneqarput, kiisalu piffissami 2003-miit ullumikkumut inunnik nalunaarsuisarfimmit nalunaarsuutit. Ingerlariaqqiffiusumik ilinniakkani ilinniaqqiffiit naatsut, bachelorinngorniarnertit/professionsbachelorinngorniarnertit kandidatinnngorniarnertit pineqarput.

Periaaseq

Ilinniartut ilinniakkamik naammassisaqarsimasut nalunaarsuutaat ulloq 31/12 tunngavigalugu nunani allani ilinniakkamik ingerlatsisut nalunaarsuutaannut kiisalu inunnik nalunaarsuisarfimmi ulloq 1/1 nalunaarsuutinut ataatsimoortillugit ingerlatinneqarput.

Ukiumi x-imi ilinniakkap naammassereernerata kingorna ukiumi siullermi, inunnik nalunaarsuisarfimmi ukioq x 1-imik ilallugu (+1) naatsorsorneqarpoq, ilinniartunullu ilinniakkamik ingerlatsisunut ukiup x-ip naanera tunngavigalugu naatsorsorneqarluni.

Nunamut najukkamut naatsorsuineq:

Kalaallit Nunaanni

Inunnik nalunaarsuiffimmi nalunaarsorsimasut nunamili allami ilinniakkamik ingerlatsisutut nalunaarsorsimanngitsut.

Nunami allami

Inunnik nalunaarsuiffimmi nalunaarsorsimanngitsut, ilinniakkamillu ingerlatsisutut nalunaarsorsimanngitsut.

Nunami allami – suli ilinniartut

Nunami allami ilinniakkamik ingerlatsisutut nalunaarsorsimasut.

Inunnik nalunaarsuiffimmi nalunaarsorsimanngitsut aamma toqoreersimasinnaapput. Taamaattoqartillugu nunami allami najugalittut kisitsisini ilaatinneqarput.

Naatsorsuineq

Ilinniakkap naammassereernerata kingorna nunamut najukkamut kisitsisitigut paasissutissat ilinniakkamik naammassisaqareernerup kingorna ukiut 1-10

qaangiunnerini Kalaallit Nunaanni, nunami allami imaluunniit nunami allami ilinniaqqillutik najugalinnik naatsorsuineruvoq. Kisitsisinilu nunami allami aammalu Kalaallit Nunaanni inuussutissarsiornermi ingerlariaqqillunilu ilinniakkanik ingerlatsisut katillugit naatsorsorneqarput.

Killiliinerit erseqqissagassallu

Ukiut ataasiakkaat tunngavigalugit sanilliussinermi, ukiut tamaasa nunami allami ilinniakkamik naammassinnittartut amerlannginnerat eqqumaffigineqartariaqarpoq.

Inuk ataaseq naatsorsuutini arlaleriarluni ilaasinnaavoq. Assersuutigalugu ilinniartuq 2010-mi bachelorinngorniarnermik naammassisaqarsimasoq kingornalu 2012-imi kandidatinnngorniarnermik naammassisaqarsimalluni.

Siornatigut saqqummersinneqartumi inuussutissarsiornermik ilinniarnermut ilanngunneqartarsimapput “Merx I” aamma “Merx II”. Saqqummersitami 2021 aallarnerfigalugu inuussutissarsiornermik ilinniarnermut ilanngunneqassaarput taamaattumik “Merx I”-imik aamma “Merx II”-mik naammassisaqarsimasut kisitsisitigut paasissutissanut ilanngunneqassaassapput.

Ilisarnaatinut nassuiaatit:

... Paasissutissat pigineqanngillat

.. Paasissutissat tatiginanngitsut ilisarinnilersitsinnaasulluunniit

. Kisitsisitaqarsinnaanngitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginniffissaq

Samo Nielsen

snie@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70

www.stat.gl · e-mail: stat@stat.gl

